

Posted in: [Featured](#), [Latest News](#), [National](#)

Tensyon sa pagitan nina Sec. Lopez at Medialdea, namumuo

By: [Alvin Barcelona](#) | April 20, 2017



May namumuong sigalot sa pagitan nina Department of Environment and Natural Resources (DENR) Secretary Gina Lopez at Executive Secretary Salvador Medialdea.

Inalmahan ni Environment and Natural Resources Secretary Gina Lopez ang direktiba ni Executive Secretary Salvador Medialdea na direktang kumontra sa kautusan niya sa mga suspindidong mining company na magbigay ng dalawang milyong piso sa bawat ektarya ng bukirin na naapektuhan ng mga mining activities kapalit ng pagpayag niya na pagtanggap sa mga stockpile nito.

Paliwanag ni Lopez, ang nasabing pondo ay para sa mga lugar na apektado ng mga mining activities at pakikinabangan sana ng mga apektadong magsasaka.

Nabalitaan din aniya niya mula sa kanyang Environmental Management Bureau team sa ground na hindi na mapigilan ang mga mining company sa pagtanggap ng kanilang mga stockpile dahil sa kautusan ni Medialdea.

Dagdag pa ni Lopez na ayaw niyang makipag-away kahit kanino kaya balak niyang makipagkita kay Medialdea para kausapin tungkol sa hindi patas nitog kautusan.

<http://rado.inquirer.net/65614/tensyon-sa-pagitan-nina-sec-lopez-medialdea-namumuo#sthash.vr2UfnR6.dpuf>